

四庫全書

集部

欽定四庫全書

粵西詩載卷十四

桂林府通判汪森編

七言律

遊白龍洞

胡銓

懸崖怪石水潺潺宜有神龍隱此間
窮勝不妨歸險洞尋春那止看羣山
攀龍行即天邊去躍馬聊同野外還
好景良辰適相會一樽聊共水雲閒

送邕州吳使君

羅願

題輿纔赴日邊程
便擁油幢鎮列城
地望素高唐五管
人才今似漢三明
時清市駿非無意
歲晏逢花好寄聲
太學英名湖海氣
此行持論要和平

題朝陽巖二首

張孝祥

空巖日望一牛鳴
不要郵籤報水程
天接海光通外徼
地連岡勢挾重城
絲綸疊至龍恩重
繡斧前驅蠻霧平
鳳閣鸞臺有虛位
請君從此振朝纓

雞腸得酒作雷鳴痛飲狂歌不自程
坐上波瀾生健氣
歸來鐘鼓動嚴城不應此地泥鴻業
盍與吾君致太平
伏櫪壯心猶未已煩君為我請長纓

濯纓石

吳元美

杖履叨從五馬行
山翁醉舞樂昇平
昨朝臺上觀垂釣
今夕江邊伴濯纓
瘴水東流頭半白
仙山南望眼雙明
他時誦得使君句
絕似寒潭徹底清

都嶠山

羣巒環翠繡江隈八疊中峰洞府開
劒戟香爐空際列馬鞍兜子上方排
烟籠丹竈熬漿穩雲蓋仙人鶴駕來
觀此寶玄真勝境何須航海覓蓬萊

山谷先生弔秦少遊詩云少游醉臥古藤下誰與
愁眉唱一杯解道樽前斷腸句江南唯有賀方
回此以言語文字知少游者也余鄉人有官藤
州者言藤人為余言少游既病洗沐步光華亭
手持白玉杯命取江水立酌一杯而逝嗚呼此

豈徒然者哉東坡題少游自作輓詞以謂能一
死生齊物我是真知少游者也 周少隱

古藤陰下偶婆婆
婆南北隨緣意若何
白玉杯寒亭上月
縷金衣斷醉時歌
還將萬里澄江水
洗淨平生綺語魔
能道秦郎解忘物
嶺南唯有雪堂坡

西湖再開呈張經略

劉 頴

持節南來竦百城
就分帥閫握邊兵
盡令殊俗窺風采
更許佳山託姓名
峴首要須刊偉蹟
習池底事著狂生

風流人物今宗主
物物俱蒙不朽榮

和韻

滕 膺

隱然重望壓邊城
號令風行玉帳兵
詩思江山真得助
威聲草木盡知名
要令萬頃窺黃憲
不把千畦付麴生
坐使勝游還舊觀
追隨那得勝公榮

和韻

張 維

不賢那得似長城
偶息潢池盜弄兵
靜沼何妨無事飲
幽尋聊記所居名
千山倒影湖新復
兩洞潛珍景旋生

記事還須武陵筆亭成唯擬看題榮

題張公洞

年來行樂與民同探穴追踪太史公幽洞初開名易著
蒼崖新刻句難工風驅俗駕松扉外雲鎖仙丹石室中
付與山僧司管鑰勿教勝地草蒙茷

送簡壽王主簿之官臨桂

楊萬里

柴門草徑儘莓苔不放黃塵俗子來詩客清晨衝雨入
梅花一夜為君開飄蕭落葉殘燈火陸續清談濁酒杯

二十一年纔四見驪駒抵死又相催

送賴守張子智左史進直敷文閣移帥八桂

龍尾名臣進寶奎虎頭移鎮赴榕溪握刀將帥迎牙纛
椎髻戎蠻進象犀翠浪玉虹餘昨夢碧簪羅帶入新題
鳳池雞樹公棲處是箇雲飛不要梯

拋官九載臥柴荆有底生涯了此生白鷺鷥鷺雙屬玉
青鞋布襪一笻筇賴江府主憐逋客樽酒綈袍篤舊情
天上故人今又去碧雲西望暮山橫

和正父游榕溪韻

張栻

隔岸高低露碧山，眼明便作故園看。
直從榕影度輕舫，更傍溪光撫曲欄。
鴻雁來希空悵望，梅花開早未初寒。
喜君萬里同情話，明月清風足佐歡。

仲冬朔日登湘南樓復用正父韻

歷遍江南處處山，嶠南還得倚樓看。
化工此地無餘巧，爽氣窮冬更逼欄。
官事隨時寧解了，書盟平日未應寒。
相逢自有論文樂，只把空杯未礙歡。

六月二十六日秀青亭初成與客同集

亭成勝日好風光
佳客攜將共一觴
蒼壁插空千古色
高松蔭堤三伏涼
網魚縷膾寒水玉
剝蓮煮鼎甘露漿
便覺故園渾在眼
祇應灘水似瀟湘

和友人夢遊西山

故人疇昔隱西峰
野寺幽房一徑通
無復老僧談舊事
空餘修竹滿清風
夢中尋勝忘南北
句裏論心豈異同
我欲壁間題唱和
他年留得吃南公

鹿鳴宴

從昔山川誇八桂只今文物盛南州
秋風萬里攜書劔春日端門拜冕旒
聖世取才先實用儒生報國豈身謀
且看廷策三千字為寫平時猷畝憂

次趙漕贈王昭州韻

煌煌金節按江城驛路梅花正小春
聞說爭迎來滿道定將何術慰斯民
憇棠異日誇南國懷橘歸時拜壽親
流澤會看均一路要令治象復熙淳

九日登千山觀

清晨領客上巉巖前路衣襟濕翠嵐
九日開樽仍絕景
西風敲帽且高談地形盤薄一都會
山色周遭萬玉簪
却指飛鴻烟漠漠故園茱菊老江潭

送韓宜州

頃年未識宜州面已信諸賢品藻公
幕下從容逢益友
胸中翫髣本家風一麾且與寬彫瘵
華髮應無慕勇功
從古安邊須自治人情初不間華戎

雉山寺青蘿閣

孫覲

蠻烟避謗三年過野寺尋春半日閒
小檻吹香花漠漠斷崖漱碧水潺潺
桄榔葉底秋聲滿柏子烟中午夢還
便擬買舟隨釣叟一蓑烟雨繫蒼灣

靈泉寺

窓戶遙開紫翠間小橋獨立聽潺潺
意諧獨有清風共興盡聊隨落照還
但見虛童蒙白帔且無瀧吏發駢顏
風花雨葉元無定何必區區戀故山

嶺外虛市市人大半以白帔蒙頭

到象州寓行衙太守陳容德携酒見過二首

飮坐黃甘啖手香堆盤丹荔照人光
莫辭蠶酒一尊赤會壓瘴茅千里黃
未省讒言遭薏苡直將空腹傲檳榔
酒醒夢覺知何處樹影參差月滿廊

萬里南來亦偶然一杯相屬豈非天
直從尺五城南杜行盡朝陽路八千
三夜故人應入夢五漿客舍有誰先
使君遙簇花間馬欲伴愁人到酒邊

南山寺

千丈雲根蔭此邦
沉沉寒影臥秋江
潭空映日蒼虬動
烟暖翹沙白鷺雙
夢覺灘聲喧客枕
吟餘竹色滿僧窓
詩成絕叫層樓上
聽我洪鐘萬石撞

安心是藥本非禪
遇勝欣隨意所便
嚼蕊拈花身老矣
穿雲涉水思茫然
行逢酒伴操觚去
倦憇僧窓借榻眠
寄語排言問津者
人中今是地行仙

陳經略生朝四首

汪應辰

喜詠高秋此日生
門閭佳氣想充盈
堂堂體貌千鈞重

凜凜精神一座傾暫使遠民瞻玉帳要知聖主有金城

兜牟却作貂蟬去五筦難淹宋廣平

今五筦皆隸廣右

媯姓從來莫與京傳家初不為金籬只今八桂蒼蒼處
倍覺中台兩兩明南徼不聞刁斗擊北轅行見袞衣迎
定知天錫公難老端與邦家立太平

俛視人寰僅一漚應緣來作聖時遊英風蓋世桂林伯
相業家傳戶牖侯號召即看持玉節姓名已久覆金甌
他時欲記中書考簡策應須汗馬牛

欲知今歲好生朝
召節聯翩下九霄
便入三槐新位次
空餘八桂舊歌謠
機神照物宜前列
質幹參天合後凋
他日凌烟圖畫處
方瞳炯炯映金貂

題湘山大施堂

山中祖師號無量壽真身塔在焉

范成大

重倚春林淚竹枝
南遊風物鬢成絲
難尋桂嶺千峰夢
更了湘山一段奇
來去別無心外法
行藏休問塔中師
若論大施門前事
竿木逢場且賦詩

清湘驛送祝賀州南歸

海內交情兩斷金，離歌倡和俱吳音。
桃花如雨暮春酒，竹箭有筠他日心。
萬里書來蜀道易，四愁詩成湘水深。
田園將蕪各早計，一棹五湖能見尋。

甲午除夜猶在桂林，念致一弟使北，今夕當宿燕。
山會同館兄弟南北，萬里感悵成詩。

把酒新年一笑非，鵲鴿原上巧相違。
墨濃雲瘴我猶住，席大雪花君未歸。
萬里關山燈自照，五更風雨夢如飛。
別離南北人誰免，似此別離人亦稀。

與同僚遊栖霞洞極深遠中有數路相傳有通九
疑者燭將盡乃還飲碧虛上陳仲思用二華君
韻賦詩即席和之

竹杖芒鞋俗網疎每逢絕勝更踟躕但隨岐路東西去
莫計光陰大小餘彷彿桃源猶舞鳳辛勤李白謾騎魚
今朝真作遊仙夢不似騷人賦子虛

淳熙甲午桂林鹿鳴燕輒賦小詩少見勸駕之意
維南吾國最多儒聳看迢迢赴隴書竹實秋風辭穴鳳

桃花春浪脫淵魚月宮移種新栽桂江水朝宗舊鑿渠

況有狀頭坊井在明年應表第三間

郡人曹鄴桂詩云我到月中收得種

為君移向故園栽今歲用故事植桂正夏進德二堂之下又復朝宗古渠以應文章應舉之識趙觀文王世則亦郡人皆魁天下今狀元坊在焉故詩中悉及之

逍遙樓席上贈張邦達教授張癸未省闈門生也

同年進士俱會樓上者七人

疇昔金門看選賢一星終矣半英躔誰憐蠻府清池句不著南山捷徑鞭作者七人茅瘴地肅霜九月菊殘天

浮生聚散如風雨同倚東樓豈偶然

癸水亭落成示坐客長老之記曰癸水繞東城永
不見刀兵余作亭於水上其詳具記中

天將福地輦巖城形勝山川表裏明舊說桂林無瘴氣
今知灘水辟刀兵雲深銅柱邊聲樂月冷珠池海面平
願挽江流接河漢為君直北洗欃槍

寄廣西漕陳魯叟誥院

戴復古

回首元龍百尺樓一時詩酒記同遊好山歷歷在人眼

流水滔滔任客舟歸鴈欲從何處去落花恨不為春留
錦囊佳句無人問自別君來白盡頭

題融州城樓

陳藻

除却譙樓環廨舍蕭條市井客懷悲高高下山無數
淺淺深深江有時大布紅裙謠女著半規白扇野人持
城中昨夜亡羊豕聞得誰家虎入籬

寄吳提幹

不見河南二十年若為再拜畫堂前來尋八桂瓜期滿

歸訪蒼梧蓮幕遷幸對夫人如母在喜看令子似公賢
府僚共約黃花去業已還鄉種薄田

客中書事

千載蠻風尚有存此來聞見不堪論猪膏澤髮湘南婦
牛渤塗門嶺右村行客下牀調瘴藥吏人提甕灌蔬園
豈無佳麗堪娛目別有淒涼只斷魂

真仙洞

洞裏清溪可泛舟入觀洞府出高丘老聃尸解今還在

黃帝生前有此不滴乳解添無數幻携燈何用不曾幽
乾坤自大人身小拳石空中作勝遊

辭桂帥辟書作

劉克莊

一昨聞公幕府開夢魂頻繞嶺頭梅久拋鞬袴辭軍去
忽有弓旌扣戶來茅舍相過爭借問荷衣欲出却徘徊
舊時檄筆今焚棄孤負黃金百尺臺

未至桂州葉潛仲以詩相迎次韻

柘岡西路別君時幾見天涯柳弄絲橫草壯心空慷慨

覆蕉殘夢懶尋思羞將白髮趨新府却憶青山領舊祠
猶有南來奇特事馬頭先得故人詩

訾家洲

裴柳英靈渺莽中鶴歸應不記遼東遺基只有蛩鳴雨
往事全如鳥印空谿水無情流瀾瀾海山依舊碧叢叢
斷碑莫怪千迴讀今代何人筆力同

千山觀

西巘林巒擅一城渺然飛觀入青冥于湖數字題華棟

陽朔千山獻畫屏
境勝小詩難寫盡
天寒薄酒易吹醒
獨遊不恨無人語
滿壑松聲可細聽

武岡葉使君寄詩至桂林次韻二首

詞客紛紛載後車
誰能遠寄病相如
雙旌已拜湖南牧
尺素猶題嶺外書
詩句騎驢游蜀後
情懷賦鵬弔湘餘
若還闔郡春風暖
便擬移家占籍居

北戍逢君歲建寅
豈知今作落南人
瘴來客病鄰山鬼
舶去鄉書托海神
目送飛鳶偏戀土
夢隨畫隼共行春

謝家兄弟如雙壁交契寧非有宿因

朝陽洞

朱晞賢

湖上初驚八月秋嶺頭又見桂香浮
中車幾憶陶彭澤竹馬多慚郭細侯
未遣林泉還舊隱且同巖壑訪真游
一枰勝負人何在試問樵柯已爛不

遊壺天觀泛舟過龍隱洞小酌至月上而歸

浪道湘南是瘴鄉玉壺銀闕四時涼
臥龍不起葭灰動愛日空驚繡縷長
浮蟻且同佳節醉探梅不作少年狂

暮歸慚愧山頭月照我駸駸兩鬢霜

伏波巖

天斷神剌不記年洞中風景異塵寰江波蕩漾青羅帶
崖石虛明碧玉環地接三山真蹟在天連合浦寶珠還
重來恍似乘槎到慚愧雲門夜不關

彈丸山

傷弓枉木謾猜嫌崑石稜稜彈樣圓鵬鷗橫空秋凜凜
鳬鷗渡水晚翩翩私心灰冷慵思繳蹇步塵勞不受鞭

挾彈張弓付年少歸歟趣取菊花天

洞底石間得枯木一株花葉咸無而枝幹峭拔如
峴山晉柏蓋石之精英凝結而成光澤瑩潔不
減冰玉扣之其聲鏗然珊瑚不足道以是知海
物惟錯其中亦何所不有但世人未之見爾因
成鄙句刻之八桂堂下巖石間以識歲月云慶
元改元小春吉日

天教海若效珍祥不與千林春競芳擲地遺音清夏玉

凌雲直榦凜凝霜誰浮鯨海星槎到猶帶蟾宮月桂香
冶葉浮光掃除盡堅高直欲共天長

暇日過龍隱山有以千葉白梅獻者輒成鄙句

素艷重重疊雪輕先春不怕雪霜凝人言五嶺地皆熱
誰折一枝寒欲冰似笑疎花太孤瘦故教密葉擁千層
湘南別有新春樣拚醉花前喚不應

慶元改元寒食日陪都運寺丞遊白龍洞時牡丹

盛開小酌巖下夕陽西度並轡而歸

小溪漱碧響潺潺路入龍宮杳靄間佳節漫添新白髮
故人賴有舊青山花朝幾共湘南醉萍迹何年嶺北還
歸路聯鑣紅日晚多慚龍臥白雲間

留題龍隱崑

許子紹

矯首初來北斗峰直穿山腹作玲瓏石間蛻骨痕猶在
淵底藏珠水更通霖雨幾年崑野去臥龍何處草廬空
眼中要識真英物寫迹無勞想下風

郡圃依綠亭

陳峴

脩林平沼久荒埃招領春風一笑回淨掃莓苔分徑岸
賸添桃李結亭臺時因休吏文書了忽作門人杖屨來
待與邦人同醉樂一樽何惜少徘徊

波斯巖

林 邑

何物波斯有此巖巖前巖後著深潭雙猊顧母魚鱗脊
峙闕迎賓玉笋簪立塑崩崖天入牖垂纓寶蓋佛留龕
使君勸課親來此謾與邦人父老談

青田巖

老鶴回翔去幾年至今巖壑此名傳
躋攀分寸疑無路飛入方壺却有天
白象綠獅呈怪石神泉深洞隱真仙
細看滴乳流脂處不是青田是玉田

盤石

捲烟閣西官道長一水東注襟滄浪
山連踞虎嵒如屋棧接飛鸞石作梁
田野四時歌樂土關河千里隔蠻鄉
我來九載叨民牧億萬斯年說太康

灕山雲崖軒

方信儒

不用窮探費杖藜
隱然林壑挾城陴
曾遵月洞千嵒上
更著雲崖一段奇
拂拭軒窓容俎豆
發揮泉石借聲詩
瞿曇頗似知人意
已約梅花帶雪移

西山鑿池種白蓮作

池開新白徧天涯
未許東風擅一家
蒼桂叢中蒼桂樹
碧蓮峰裏碧蓮花
波光分破湖千頃
雁影斜飛水一窪
待著欄干橫淺綠
浮萍開處見魚蝦

詠西山海棠

真珠幾顆最深紅，點綴偏方造化功。
好事何年移蜀種，美人清曉出吳宮。
妖嬈能得幾時賞，零落纔消一夜風。
自有生香人不識，繡衾全覆錦熏籠。

清秀山

尋徧洞天三十六，蒼靈獨閔此嵒扉。
旋除野草開新徑，遮莫寒藤刺客衣。
歲月偶同題壁字，烟霞似不放人歸。
把茅欲作開山主，已作瞿曇第二機。

還珠洞

歸舟多載小江春
重訪東巖舊屐痕
插水峭崖猶有路
垂天怪石本無根
金華仙伯真知己
薏苡將軍足斷魂
安得北山公可作
倩渠移取向家園

題龍隱巖

愛山那惜走千回
生怕前驅後騎催
石上參差鱗甲動
眼中在處畫圖開
彩鸞未辦乘風去
浮鷁何妨載雨來
人事百年俱變滅
祇應題字不塵埃

雨脚初收魚尾霞
滿溪流水半溪花
尋源曾識武陵洞

泛宅如浮菖雪家但得嵌空元有路何如峭絕不容車
道人辛苦經雲水成塔從來是劫沙

慶遠龍隱洞

南山山北北山南一洞中分路口三飛鶴叫雲聲自遠
懶龍慳雨睡方酣襄公淡墨留蒼壁太史高風拂翠嵐
百尺巖前清絕處道人先我著茅菴

送族子春叟游西廣

李昂英

鳳出丹山定九苞桂林要揀一枝巢久聞嘉竇須幽討

不是人豪莫汎交
鶴髮頻將安問寄
螢窓勤把舊書抄
功名到底還堅志
崛起新豐一草茅

穿石巖

林通

極判已來不計年
斯嵒體朴本渾然
鑿開混沌鴻濛地
透見明通公溥天
老去投林得幽趣
困來枕石聽潺湲
時烹山茗供清興
猿挂古藤鶴避烟

經略龍圖開拓魯公巖
景物一新遂為諸嵒之冠

因成拙詩投之

楊損

陽巖高敞納晨曦鶴駕雲輶或可期神物彫鐫元入妙
人工開闢更增奇須知水石清涼處絕勝塵沙熱惱時
紅旆碧幢勞小駐多慚下客濫追隨

依楊益老韻賦魯公巖

尚用之

當暑都忘畏赫曦游觀邂逅得心期咸其自爾從天造
貴以人為特地奇風露乍涼秋至後林巒散影月明時
朱幡好事留佳客大醉高崑許鎮隨

清秀山次韻

張自明

甲子循環各一時又逢青犬護巖扉金墉城鎖瑤池苑
蒼玉樓鋪錦地衣萬里西風生木末數聲湘雁叫雲歸
明朝天上秋期近問訊河邊織女機

七星山

玉洞沉沉鎖碧虛月華曾伴日華居刀圭影觸金丸彈
蟬蛻形留錦鯉魚舊隱已荒三徑草仙人忽授數行書
丹霞自有栖真處十里松風可跨驢

題雲崖軒和方韻

萬里風烟倚瘦藜
湘南曾自一登陴
雲崖知在宜山麓
水月傳夸古洞奇
四字丹書無夢見
千峰蒼玉有誰詩
門前繫馬松陰下
鴉背斜陽影屢移

遊朝陽巖二首

綠野年來喜有秋
行春到處小淹留
朝陽亭上初披霧
水月巖中更枕流
竹徑不容周俗駕
桃溪還泊晉漁舟
鰲頭自愧非元老
濫總師干乏壯猷

乘輅初至憶前秋
豈意持麾尚此留
立屋得僧成燕喜

遊山如謝欠風流
勸酬同把菊花盞
來往自操蓮葉舟
向晚洞門烟漸鎖
祇應歸興更夷猶

水月洞

癸水江頭石似浮
銀河影裏月如鉤
無人弄杵看蟾兔
有客乘槎訪斗牛
自古鵲橋傳七日
何年桂子落三秋
金輪待欲常無缺
玉斧仍須妙手修

華景洞

踏破蒼苔覓舊題
五言覓得晚唐詩
崑山人憶遺名好

華景天開一段奇
鐵鎖掣開纏壁壘
玉梯穿路透瑤池
古心未展閒游戲
慚愧平生華子期

陽朔鑑山寺

劉坦齋

鑑山最有登臨勝
門巷縈迴知幾重
此日樓頭瞻御墨
何時天上覩飛龍
關河痛隔魚紋斷
臣子遥申虎拜恭
欲託離騷寫愁思
涉江何處采芙蓉

湘山寺

王之道

灩溪澄碧見師心
我欲窮源無處尋
萬壑秋風酬夜諷

一犁花雨發春吟何妨契濶三年別却得留春半日陰
竹外小桃開也未靈雲應已久披襟

老人巖

李惟德

絕巘稜層面勢尊老人崑洞更連軒何時鑿出青雲路
盡日高開碧玉門靜照井閭森寶秘靈摩星斗弄清溫
直須賦有神仙骨便好飛騰向上奔

玄風洞

趙夔

青嶂橫開高幾重峻崑直上半天中虛明洞口千年久

澄徹流來一溜通
海蚌張頤方吸月
雲龍奮迹遂乘風
隼旗出有隨軒雨
指日秋成賀歲豐

蟠龍山

李時亮

獨臥粵南天盡頭
吐吞清氣壓林邱
風雲上下三千丈
霧雨西南十六州
古澗有泉穿石冷
陰崖無暑滿山秋
我來結構山亭下
時復凭欄看未休

題容縣濯纓石

吳朝奉

乘興滄浪水際行
江澄如練接天平
玉樽暮舉頻添酒

石砥浮簾就濯纓夜月浸潭水鑑冷密星沉水浦珠明
南山環峙相輝映直聳蓬萊侍玉清

桂林寧壽寺

張湖山

丹級纔升四望賒香消無復夢毫華向來馬氏殫禪力
要擬龍宮作佛家樹老烟霜臺殿古石封苔蘚井欄斜
上人不用蓮花漏自有林梢報曉鴉

老人巖

林嗣宗

九月黃花次第開帶星約客上崔巍擬從老子崑前去

却入真仙洞裏來，幸免西風吹落帽。
且陪東道引深盃，箇中便見蓬萊境。
何必龍山戲馬臺。

離鍾津

劉志行

公事無多早散衙，蜀中寧有寄來茶。
龍光下照三江水，燕子重尋百姓家。
疇昔買漿曾得玉，只今作飯類蒸沙。
寄言道士玄都客，好種劉郎去後花。

藤江

驛使何曾寄嶺梅，古藤陰下小徘徊。
無名異果自成樹，

沒字殘碑半是苔
木杪山雞知旦晝
江心仙島欠樓臺
灘神憑險成遺廟
笑我無因到此來

狀元峰

歐陽麟

一峰高聳上參天
地勢鍾靈出狀元
雪霽乍疑抽紫笋
雲開忽見吐青蓮
平明遠捧金烏小
薄暮高擎玉兔圓
獨羨唐家賢父子
芳名留得後人傳

除夕客桂嶺

白玉蟾

誰使詩狂墮桂林
鳴鞭裊雪一傷心
自憐襍穢衣何薄

安有醪醕酒得斟真箇飄蓬將欲老何曾鹵莽似如今
黃劉不喜瑜蒙喜須信甘寧有賞音

遊月嵒

無名氏

石磴嵌嵌幾許層坐來心迹自雙清不知混沌何年鑿
便有嬋娟一鏡明周穆馬蹄何寂寞謝公屐齒欠安平
飄然欲御長風去冉冉烟雲脚下生

訪東溪舊居二首

出山曾與白雲期為道歸來自有時花老任從春盎盎

客愁寧免鬢絲絲
知還迥有陶潛興
念遠誰憐宋玉悲
見說竹林新笋盛
已分清影過藩籬

去去來來醒醉間
事牽南北自相關
寒蛩數處坐中苦
歸雁幾聲天外閒
情愛已流三峽水
夢魂時傍七星山
去齊孟子休濡滯
豈必虞庠好鑄顏

次韻廣西王景韓僉憲見寄

元程文海

江漢飄零一夢初
少年心事了無餘
雙鳬乘鴈妨賢路
五柳孤松憶敝廬
黃鶴樓前塵隔扇
碧蓮峰下雨隨車

新詩乍見如公面有使頻將慰索居

栖霞洞

張雄飛

仙李巖前問大還碧沙瑤草水潺潺虎隨客去春尋藥
龍作人來夜叩關八桂月華連五嶺七星雲竇接三山
洞天說有飛昇處只隔烟霞縹緲間

堯山冬雪

呂思誠

堯山絕秀嶺南天雪壓林巒飄素烟高倚暮雲屏掩翠
半消晴日玉開田驛梅逢臘品前發羽檄衝寒徼外傳

何日樓頭閒拄笏兩階舞罷對瓊筵

舜洞秋風

西風颯颯桂林秋萬疊雲山舜洞幽
曉氣沿崖秋色冷涼颼吹樹桂香
浮輕搖斑竹江頭恨遠送蒼梧
天外愁一旦薰風隨律變露華山
色滿南州

西峰晚照

西峰西向桂林西數點晴雲落照低
絕嶽倚空排寶戟斜暉轉樹遶雌蜺
錦紋零亂霞前映翠影參差雨後迷

還似峴山詩酒客醉來聽唱白銅鞮

東渡春瀾

東門東渡柳青青雨後晴瀾春水生月影流來波影碧
浪花飛起雪花輕連漪忽動魚翻藻浩蕩初開鳬唼萍
終日靜觀還有得層層天色一舟橫

訾洲烟雨

分合灘頭見訾洲訾洲烟雨水雲秋空濛細縠沙頭籟
散亂跳珠波面浮鷗鷺飛翔來上立蛟龍騰躍此中游

蓑衣箬笠垂楊外時有漁人橫釣舟

桂嶺晴嵐

桂嶺崇崇插絳霄晴嵐浮動翠雲飄峰巒碧潤輕翻穀
品壑精熒深染綃晚靄忽開高突兀餘輝斜抹蔚嵒堯
緩行鳥徑衣裳濕莫說梅花萬里遥

青碧上方

獻花隨喜上方行雲影天光入戶庭江水遠翻僧眼碧
山峰輕染佛頭青恒河莫訝沙無數驚巖休驚嶽有靈

色界不空因相起貝多葉上寫蓮經

棲霞真境

七星山畔列松杉羽服棲霞雪一龕人自世間來世外
洞從山北出山南日邊五色迷晴靄頂上三華粲夕嵐
仙去儒游真境在一輪明月影寒潭

全州

陳孚

城郭依稀小畫圖佛光猶照鐵浮屠斑斕歸洞見盤瓠
格磔滿林聞鷓鴣蒸水北吞雙練急湘山南聳一螺孤

停鞭欲問炎州事不奈侏離見矮奴

馬王閣

千山萬山紫翠芒巍閣突起山中央煜煜金身兜率佛
稜稜鐵面扶風王烟雲浮動貔貅氣日月飛繞俊猊光
回望交州渺何處孤鷺跼跼南海黃

馬平謁柳侯廟

詞華一代日星尊茶臼村童儼尚存山左竟令驅癘鬼
庭中已悔乞天孫善和里隔生前淚文惠祠封死後魂

欲奠荔蕉不知處滿池榕葉擁朱門

興安縣

傅與礪

亂峰如劒不知名篁竹蕭蕭送驛程轉粟未休灘水役
負戈猶發夜郎兵百蠻日落朱旗暗五嶺風來畫角清
空使腐儒多感慨西南羣盜幾時平

桂林喜呂仲實僉憲至

正月交州奉使歸忽聞鞍馬發王畿嶺南瘴雨開銅柱
江上春雲逐繡衣草熱蟲蛇常並出樹深豺虎近皆肥

明朝按節勞咨訪邊郡于今未解圍

謁羅池廟

柳州刺史愛羅池廟食千秋傍水涯
隔座桃榔風瑟瑟近簷橄欖露垂垂
唐碑載事班前史楚曲迎神叶古詞
欲借題籤卜行役祇慚巫祝強知詩

次韻智禮部贈黃忠州

遠臨邊鎮早從戎新遣旬宣亦有功
留在豹韜知合變佩來龍劔識雌雄
西山歲月烽烟定南土當年貢賦通

會見文翁化成俗不勞壯士挽雕弓

書南寧驛

歲晚驅馳憶帝京北風回首重關情中天日月迴金闕
南極星辰繞玉衡父老尚煩司馬檄蠻貊須用伏波兵
也知文德能柔遠傳道新恩欲罷征

送劉子謙赴廣西帥幕

河南相倚最相知惆悵征帆欲去時感事每持清論在
憐才猶與故人期邊城雨過低榕葉幕府春來長桂枝

舍弟南游借披拂書回應得慰離思

送楊仲剛之藤州學正

蒼梧之南多樹林石州蠻舍鬱蕭森
紫藤影落書帷淨丹桂香依禮殿深
殊俗干戈恒滿眼古人庠序最關心
倘逢舍弟煩相語日望鄉書抵萬金

仙李洞

思立

洞府仙書祕紫泥蒼苔露冷鶴蹤迷
黃金礪礪丹升鼎白玉稜層石抱梯
葉縣鳬來飛赤舄葛陂龍去化青藜

蕭然已與人間別却訝花間有鳥啼

送管十班監憲除廣西宣慰使

薩都拉

持節曾臨江漢上分符又入庫雲間花驄一日行千里
金虎三珠照百蠻露帳旌旗天接水星營鼓角月連山
九重應有平徭詔日聽將軍奏凱還

送洪元成赴靜江治中

貢師泰

海上東風吹鬢毛杏花開處雨蕭騷薦書舊最司征考
宮錦新裁別駕袍落日山城旌旆遠拍天春水柁樓高

莫憐投老多辛苦萬里行囊有豹韜

寄郴州孫通守振武聞沂湘將至八桂

方回

南斗之南八桂林携琴欲覓舊知音想君湘水花邊路
識我衡陽鴈外心偏側甲兵詢動靜艱難書問畏浮沉
相煩為報真消息莫待春江柳色深

劉仙巖

雅勃呼

削雲千丈倚蒼崖箭括通天一竅開草樹陰森藏洞府

烟霞縹渺護樓臺白雲已向空中去黃鶴時聞月下來
欲問仙翁借筇竹凌高長笑望蓬萊

七星巖

灘水東邊三四山何年北斗下人寰天文暗宅蛟龍窟
地脉潛通虎豹關碧蘚自封崑徑杳白雲不鎖洞門閒
何時得遂烟霞趣求此幽棲結大還

屏風巖

郭思誠

高明絕頂露天關千尺幽巖縹緲間不識此中真福地

更於何處覓仙山
瓊葩石乳宜修煉
竹杖芒鞋任往還
好向清明歸舊隱
人生難得老來閒

送全州錄事

虞集

清湘郡城公事少
錄事官曹盡日間
且可隨雲度流水
更宜把酒看青山
僧前虎迹石苔紫
雨裏鳥聲江竹斑
應會吟詩一百首
寄與明年春鴈還

別桂判師生

辛鈞

泮宮不厭數來過
士友相須賴琢磨
樂得英才存教育

愧無俯仰致中和五年嶺海徒涓補萬里雲山入浩歌
珍重桂林二三子一詩聊為敘菁莪

送趙壽卿赴廣西書史

張伯淳

客中尊酒足清歡驄馬驚飛白鷺間向上儘多清步武
極南更有好溪山扁舟桂海冰天處健筆紅蓮綠水間
人到中年偏惜別不禁對雨聽陽關

籌邊樓

劉懷遠

崢嶸樓閣壓雲端江北江南指顧間萬里風煙堯宇宙

一時人物漢衣冠
悠揚鼓角驚蠻膽
縹緲旌旗擁將壇
簾捲畫欄春晝永
不須烽火報平安

明秀亭

明秀亭前水渺茫
水明山秀類瀟湘
欄干十二東風軟
蝴蝶一雙春晝長
沙暖偏宜鷗鷺宿
城高不隔芰荷香
晚來公府無餘事
閒伴詩人入醉鄉

桂林馬上

蕭秦

滿前佳境真堪畫
馬上垂鞭雨正霏
平地起峰千壁聳

半山走雨兩蛟飛桂林自昔宜人處梅驛如今過客稀
回首翠屏看未足朔風吹絮白雲歸

湘山寺

郝顯

偃蹇蒼松鎖翠嵒邦人云是古湘山寺穿石磴高低處
塔聳雲烟吞吐間物外豈知塵世箇中只許老僧閒
我來策杖登臨罷落日歸鴉自往還

磐泉

梁曾

磐泉之源不可窮寒溜不與長江通韜藏泄漏皆元氣

疏鑿探搜亦鬼工一徑虹穿雲棧隱兩山虎踞劒關雄
十年歷遍西南險絕愛湘中似蜀中

送戴伯貞還廣西

貢性之

桂江烟水接瀟湘逐客南歸道路長卷裏漫多新製作
篋中猶是舊衣裳逢人盡說官如水老我相看鬢已霜
此去莫教音問斷雁飛今喜過衡陽

安南進奉使題桂林驛五首

黎 崱

楊柳長亭又短亭春風吹旆著江城無人相識客對客

有事可知情度情千里鄉心蝴蝶夢一船初邑鷓鴣聲
不知攤節明朝去又是烟波幾日程

夏日江城氣蘊隆使華期限苦匆匆萬程去路馬嘶外
一掬歸心蝶夢中在我有懷深感慨彼天無語問窮通
平生不作錐囊計慚愧尋常五尺童

逆旅蕭蕭夜籟沉芭蕉葉上動秋心一鞭馬影隨風遠
故國梅花入夢深客裏月明偏識面天涯鴈斷少知音
凌雲未遂平生志擊節不勝時朗吟

十日蒸雲似桂林薰風何處不披襟樹蟬爭響客懷苦
庭菊未開秋夢深醉裏乾坤新使節吟邊山水舊知音
無端夜半空堦雨滴碎鄉關萬里心

踏盡崔嵬路幾千停車逆旅自年年安危非我所能及
語默隨人深可憐澆破鄉心桑落酒吟消客恨草堂篇
自憐補國無絲髮兩度春風馬一鞭

粵西詩載卷十四

欽定四庫全書

集部

粵西詩載卷十五

詳校官庶吉士臣瑚圖禮

主事銜臣徐以坤覆勘

總校官庶吉士臣朱鈐

校對官庶吉士臣吳裕德

謄錄舉人臣龔秉震

欽定四庫全書

粵西詩載卷十五

桂林府通判汪森編

七言律詩

御製征南詩

明
明太祖

大將南征膽氣豪
腰懸秋水刃
度刀馬鳴甲冑
乾坤靜
風動旌旗日月高
世上麒麟終有種
穴中螻蟻更何逃
大標銅柱歸來日
庭院春深慶百勞

詠柳州城戍守

城居邊徼壘遐荒烟瘴盈眸癘氣忙
旦暮海風搖屋樹春秋溪水泛籬牆
思軍久戍炎蒸地重鎮還勞綏輯腸
但願昊穹舒造化洗清鬱結利同鄉

弔都事趙元隆

劉三吾

白頭從事紫薇垣一死能令我道完
赴水何慙汨羅叟裹尸竟在伏波門
他年作傳須朋友此日承家有弟昆
誰使甄侯諸將吏皆能盡節報君恩

湘南雜詠

大厦元非一木枝諸賢坐失有為時
不緣天上雲龍會誰解湘南鷓鴣
蚌持垂翅夕陽鴻去遠游神華表鶴
歸遲
急如鷗鷺忘機好依舊無心在水湄

遣使頻年赴帝京名為計事豈真情
鄂垣僅有湘南地朝野猶誇紙上兵
諸鎮一如唐末歲孤忠誰是李長城
山河依舊天如水愁聽寒鴉日暮聲

于闐幾載洮陽情臨難方圖藉寇兵
但說調鷹餓可用

寧知養虎患非輕途窮反噬三湘地風靡長驅八桂城
常武不歌天亦老琵琶又作過船聲

送章右丞戍廣西

危素

文昌橋上紫騮嘶又送將軍戍廣西三省甲兵勞節制
八蠻烟雨入封提琱方曉射崖雲裂畫角寒吹海月低
已喜皇威清海岱邑封上將拜金泥

桂林紫極宮

紫極宮中拂石臺脫冠燕坐壯心開琅璈夜靜天中起

玉珮風清月下來鶴語行空千籟合龍文在署萬神回
蓬瀛此夕身曾到酒借金莖露滿杯

送湯君濟赴廣西憲幕二首

唐桂芳

湯生浩氣揭晴霓白馬雕鞍新鑿蹄試吏早從公府辟
徵書親自臬侯題江天露洗星巖濕海島風清瘴雨低
肅若紀綱多暇日滿庭榕露鷓鴣啼

皓月如銀老桂秋明朝催動孝廉舟天涯跋涉三千里
嶺表承宣四十州荔子輸官供酒盞檳榔留客當茶甌

貪泉莫試夸齊飲霜拂黃茅瘴已收

伏波廟

張以寧

邕州江上古祠宮傳是當年矍鑠翁
丹荔黃蕉長盛祭綠沉金鎖尚英風
灘聲夜帶軍聲壯嵐氣秋隨劍氣空
莫羨少游鄉里志封侯廟食至今雄

龍州答請命官阮士僑

使星南照破曾陰咫尺天威儼若臨
銅柱迴看雙白鬢觚稜仰望寸丹心
我留夢到雲霄迥子去恩霑雨露深

到日鍾山煩一問清溪何日濯煩襟

又答

白髮飄蕭老翰林故鄉長憶越山陰客程牛渚星槎遠
吟思龍江烟浪深多子出疆迎蕩節顧予為國抱葵心
行看洱水堤邊柳滿馬春風拂醉吟

龍州答迎接官何符

帝念南邦遠貢琛頒封特遣老臣臨皇華諮度尊君命
炎徼淹留豈我心人日預占晴景好使星還照庫雲深

暫分莫洒臨歧淚頭上青天見素襟

次韻羅復仁編修

棹歌聲起潁河濱君著先鞭我後塵
山上安山猶遠使客中送客是愁人
心隨初日葵花轉眼看薰風荔子新
細數歸期同把酒龍江梅信定先春

梧州即景

蒼梧南去近天涯六士三陳昔此家
水合牂江通漲海山來桂嶺接長沙
祥光夜認司空劍爽氣秋迎博望槎

擬欲朗吟亭上客春風歸看碧桃花

先生自註劍光乃漢趙佗埋劍之所

司空張華博望侯張騫
皆吾家故事今借用之

寄廣西參政劉允中

重臣授鉞殿南邦五月旌旗過上江青帶碧簪環畫省
綠沉金鎖護油幢峒丁萬笠春畊野海估千船曉渡龍
銅柱南邊相憶處尺書難寄鯉魚雙

廣西道中

嚴震直

繡豸金貂出鳳池垂楊到處挂晴絲雲行驛路閒芳杜

雨潤山城長荔枝高燦燭花明更遠淺斟桂酒醉應遲
孤衷耿耿難移枕坐待鷄人報曉時

棲霞洞

神仙境界最清幽石洞雲霞爛不收五夜猿啼山月冷
一聲虎嘯谷風愁鶴歸華表令威在犬吠林間許邁遊
勝景我來看不足人間何必說瀛洲

築興安堤

嶺外河堤築已完促裝歸去去朝天桃花滿路落紅雨

楊柳夾堤生翠烟
黎庶勤勞功幸就
清朝治化德為先
老臣自媿恩無報
但祝皇圖億萬年

送李敬之赴廣西帥府

劉崧

帥府西開控百蠻
故人捧檄上遥關
春回桂海雲垂地
夜入榆溪月滿山
客路獨行青嶂外
人家多在白雲間
南征定有詩千首
憑寄秋來驛使還

將至藤州喜賦

孤城隱隱見中流
八漿翩翩送客舟
山擁瘴烟迷柳碕

水穿石磧下梧州寒暄異景愁深入言語殊方強笑酬
莫歎羈懷勞北望且勤王事賦南游

正月二十二日赴容州道中

一十日春饒霽景數千里路信郵亭野花有恨何勞白
山木無名只解青殘月哀猿啼嫋嫋暮烟孤鵠去冥冥
南京三月歸期早應及聞鶯侍紫庭

征蠻

韓守益

五谿巢穴負羣山嘯聚兇氓敢作難天子誓嚴行陣肅

將軍威重劒光寒連烽井絡雲俱赤飲馬牂牁水欲乾
銅柱西邊堪勒石功勲須待後人看

送胡季城之官陽朔

張宣

桂林南望八千里陽朔郵程又在西峒峒皆為狔狔住
山山惟有鷓鴣啼天垂海國鄉關遠雪壓江城草樹低
恨不從君拜虞舜目窮閭闔意淒迷

得鄧南隱書時在廣西

風塵擾擾干戈際兩地俱為淪落人夢見亦憐風度好

書來翻遣別愁新
枕柳葉暗蠻溪雨
荔子花濃海嶠春
壯志幾回思奮迅
出門誰慰白頭親

送馬伯溫之廣西

貝瓊

樓船槌鼓發江中
昨夜檣烏喜北風
可惜春歸還送客
從知別後已成翁
浮天雪浪三湘濶
到海雲山百粵通
有子漢陽專簿領
一緘千里託飛鴻

送楊九思赴廣西都尉經歷

叩笮康居路盡通
西南開鎮兩江雄
漢家大將推楊僕

蠻府參軍見郝隆象迹滿山雲氣白雞聲千戶日車紅
明珠薏苡無人辨行李歸來莫厭窮

伏波廟

林弼

南征昔日此登臨遺廟空山尚至今萬里風雲常慘澹
千章松桂自蕭森麒麟安用丹青像薏苡難誣清白心
愁聽烏蠻江上笛夕陽一曲武夸深

壽佛院用王大使韻

橫槎江與絳河通偶共吟仙謁大雄花燭滿庭禪榻靜

雲山當戶瘴塵空
百箇清引香厨水
兩腋涼生茗椀風
試問參寥老開士
衲裙肯贈雪堂翁

送易左司分省廣西

高啟

朝廷特念遠民深
畫省分官出桂林
油幕乍開依漢節
卉衣時到貢蠻金
四時花發山多暖
半日嵐開市尚陰
虞帝祠前黃竹裏
相思莫聽鷓鴣吟

送胡簿之陽朔

幾年桂管去人稀
白髮憐君獨遠違
過海定尋迴估舶

出京纔脫舊儒衣
祠羞荔子傳巫語
縣閉榕陰放吏歸
亦欲居夷嗟未得
漫看鴻鵠向南飛

興安道中

楊基

青山一半入層雲
碧澗千林轉夕曛
松碣看來多漢刻
竹祠隨處是湘君
路經猺洞諸峰直
泉入灘江兩派分
莫據孤鞍聽蜀魄
野棠疎雨又紛紛

桂林與蔣張二指揮觀兵

大字青旗寫豹韜
連環金鎖束征袍
千艘夜泊烟江濶

萬竈晨炊瘴嶺高
燕領將軍髯似戟
鵠形俘鹵面如刀
自慚不得同高適
走馬西河看屬橐

桂林即興二首

曾見重華巡狩來
離江廟宇野棠開
山無檜柏皆崑穴
地有芝苓盡藥材
花布短衣齊膝製
竹皮長帽覆眉裁
也應風土交州近
丹荔紅椒不用栽

江為池塹石為城
南去蒼梧兩日程
碧殿尚存虞帝像
青山不廢伏波名
蘭根出土長斜掛
榕樹成門却倒生

時有苗人與徭女負薪輸布事科征

謫居靈川

冉庸

昔聞嶺外徧江灘今日方知行路難
越鳥啼時紅槿發潭蛟潛處碧波寒
唱歌跳鬼家家重擊鼓招兵夜夜歡
獨有風塵流落客每思鄉國動長歎

湘江夜行

任亨泰

夜景虛明眼界賒水天一色渺無涯
雲中不見湘靈瑟江上空回漢使槎
烈火照波燈射影銀蟾躍浪月流華

櫓聲嘔啞應無已驚起鷗羣過遠沙

宿梧州

舟泊蒼梧已一更居人無語夜澄澄
露華灑面涼如水
星影搖波焰似燈
幾樹綠雲榕覆岸
一雙白雪鷺棲汀
明當訪古窮奇玩
何處于今有舜陵

潯州道中

江水灣迴野色肥
南來風味日淒其
官船盡日行鰲背
客夢無時遶鳳池
蘆荻花飛秋老大
桺榔翠滿雨淋漓

使旌此去安南日天語重宣靖遠夸

摩天嶺

當空隱隱翠相磨十萬連山未足多
鷹隼搏秋迷樹杪星河向夜掛嵒阿
可憐霧黛雲鬟好奈此蠻烟瘴氣何
今日風前交趾路幾回目送馬蹄過

憑祥道中遇元夕有懷

王 偁

曾向蓬萊捧壽觴良宵湛露沐恩光
鳳笙曲奏梨園譜鰲背燈然火樹芳
往事別來傷旅恨流年老去在他鄉

夸歌蠻舞誰能解馬上看山夜未央

入義寧山中

藍智

疎篁古木抱雲岑野店山橋入桂林
青草江山春瘴裏落花風雨夜寒深
一官便擬歸田計萬里長懷戀闕心
却憶故人霄漢上霜臺翠柏曉森森

呂仙亭

洞庭萬里連滄海石室千年隱翠微
華表月明笙鶴下蒼梧雲濕劍龍歸
城南老樹名空在枕上黃梁夢已非

倦客遠尋勾漏洞丹砂未就與心違

梧州歸至龍門驛作寄諸同志

江轉龍門一櫂輕歸心不為杜鵑聲斜風細雨催離別
剡水殘山管送迎但使百蠻稱鎮靜久知東海望澄清
碧雲日暮蒼梧遠不盡懷人渺渺情

次梧州

王祐

蒼梧平遠水如苔日出官船盪槳開五筦江從南海去
九疑山跨道周來乘槎蜑戶緣流住輸粟徭民出洞回

聖代分巡方遣使咨詢敢憚徧蒿萊

潯州司中

青山積翠壓城頭四月高堂氣似秋
藤峽西連猺洞險
柳江下合鬱林流
茅茨繞郭炊烟起
榕葉盈庭宿雨收
昨日歷階雙拜跪
安南貢使入中州

舜廟

南海蒼梧萬里遙
重華遺迹在山椒
地靈尚憶迎龍馭
天籟如聞奏鳳韶
大禹玄圭功已告
二妃斑竹恨難銷

小臣再拜瞻龍袞但覺薰風滿袖飄

遊桂林風洞山

吳高

到處名山入品題此中佳境足幽棲
四時風氣侵人冷八表峰巒舉目低
滿地白雲無客掃一林紅雨有鶯啼
樂遊不記歸時晚踏破蟾光信馬蹄

送張起潛之柳州

練高

潯水環城擁翠來柳陰府署倚雲開
唐祠有食歌丹荔漢柱銘功篆綠苔
日落雷塘龍霧合虹消桂嶺颺風回

南音無雁音書少別思綿綿不易裁

送徐德源回橫州

偶桓

蕭蕭鞍馬駐江濱回首秋風益損神
自念未歸他郡客更禁相送故鄉人
羈愁太劇難分袂老淚無多易滿巾
歸向南溟有雙鯉寄書還肯問垂綸

送陳明初先生歸廣西無問訊趙知事公傑

靜江還帶五羊城官舸乘風畫鷁輕
客館鄉人秋送別高齋弟子日相迎
枕榔接葉蠻烟暗螺蚌含珠海月明

到郡為詢賢贊府幾時鞍馬定朝京

題飛雲山

曾才魯

律岑峰巖氣勢雄雲舒霞捲影玲瓏
巨人迹在千層石扶祿祠連一徑松
鶴唳風聲秋嶠外鴉飛虹影夕陽中
晴看宛若芙蓉帳壓倒羅浮第一峰

隱仙崑

山勢崔嵬不可攀古崑猶在白雲間
洞天深透神仙宅石室高懸虎豹關
崖壁尚存千古樹藥鑪仍煉九還丹

世人莫道無形勝，筍立江南第一班。

總題八景

鬱林

嵯峨宴石古山名，遠接飛雲列畫屏。
山隱石鐘千古迹，水浮銅鼓一潭清。
蟠龍雨過春田綠，將室烟開曉洞青。
更喜嵐橫雙角秀，九岐疊翠愈分明。

送知府王綸之任太平

陳璉

新領除書荷寵榮，雙旌五馬出都城。
過家喜有親朋會，入郡應多父老迎。
好效劉寬施善政，肯教王霸擅能聲。

左江黎庶沾恩惠鼓腹謳歌樂太平

至桂林

桂林景物最宜人況復清時雨露新
昭代禮文初復古一冬天氣暖如春
衣冠士俗從來盛庠序儒風自昔淳
我忝一官司教鐸期將斯道覺斯民

伏波祠懷古

鄭定

荒祠衰草已淒然猶有居人話昔年
銅鼓苔生秋雨後石牆花落夕陽邊
竹書蚤著平蠻策沙井空餘飲馬泉

詞客經過休感慨雲臺麟閣總寒烟

次廣西省朱郎中熙見寄韻二首 袁凱

萬里蒼梧入望長薇垣新治日馨香已知南去無鸚鵡
更擬西郊聽鳳凰談笑定應多暇日羈縻況復有成章
幙中還試鍾王帖書遍闌干葉上霜

衡陽南去與天長荔子紅椒處處香明月關門無虎豹
清風臺閣有鸞凰包茅已入皆三脊卉服新成有九章
幕下文書自稀少醉餘崖蜜啗紅霜

七星崑

解縉

早飯行春桂水東
野花榕葉露重重
七星崑窟篝燈入
百轉縈迴徑路通
石溜滴餘成物象
古潭深處有蛟龍
却歸為恐衣沾濕
洞口雲深日正中

就日門前春水生
伏波崑下釣船輕
灘江倒影山如畫
榕樹交柯翠夾城
村店午時雞亂叫
游人陌上酒初醒
殊方異俗同熙皞
欲進謳歌合頌聲

度水穿林訪隱君
七星崑畔鶴成羣
猶疑仙李遺朱實

幾見蟠桃結彩雲石溜懸崖金爛爛瀑泉陰洞雪紛紛
流鶯滿樹春風轉共坐高吟把酒聞

桂水東邊度石橋酒旗村巷見漁樵叢祠歌吹迎神女
野廟蘋蘩祀帝堯附郭有山皆積石仙宮無路不通霄
日長衣繡觀風俗行樂先天荷聖朝

平樂偶成

平樂孤城倚鳳凰桂江東下入南荒考槃澗遠度寒月
火焰山危下夕陽賈客鹽船芟葉綠野人籬落菜花黃

春風細草茸茸錦洗盞停撓百和香

蒼梧值雷給事中

花底相逢簇繡鞍嘉魚亭上看回瀾九疑六土成陳迹
五嶺三江亦壯觀遺碣尚存唐歲月故家猶說漢衣冠
咨詢欲遍瓜期近使節歸朝白鷺湍

蒼梧卽事三首

蒼梧城北繫龍洲水接天南日夜流水井鱣池春草合
火山蛟室夜光浮千家竹屋臨沙背萬斛江船下石頭

歌枕夢回雲漢近
珮聲猶在鳳凰樓

梧州舊治扶桑國
虎圈山名記大園
蟹戶舉簪看水影
舟人移櫂認潮痕
貧婆菓熟紅包坼
荔子花開綠萼繁
北望九疑雲盡外
重華端拱太微垣

桂嶺東來下惡灘
蒼梧細柳綵雲間
拍天二水通交廣
聳日高城跨北山
茅屋竹牌依古瀨
筒槽漁艇滿江灣
驛亭笳鼓中宵發
又報南天使節還

蒼梧八景

千古蒼梧劒氣明白雲深鎖鶴回程孤洲繫住龍潛伏
雙井中分水濁清牛糞黃金遺古迹魚生丙穴出嘉亭
鱸魚一去無消息皓月清風一舜庭

藤縣即事

繡水東來合鬱江古藤城郭鎮南邦山雲橋渡飛虹並
江月樓空乳燕雙晴日鶯花紅錦帳春風烟樹碧油幢
吹簫喚起蛟龍舞金鴨焚香倒玉缸

北流勾漏洞

北流縣下古銅州平地山崑聳玉樓誰為丹砂赴勾漏
人傳青竹滿羅浮楊妃井塌風烟古葛令祠荒草樹秋
却憶故鄉山更好錦袍歸去棹扁舟

魯般井

魯巧何年浚鑿成銀床深護土花青下通海底雙龍穴
上應天文列宿星梧葉影沉三萬丈轆轤聲轉幾千齡
我來登覽題詩處笑拍闌干酒半醒

過思明府

太子泉頭曙色開
仙桃花影覆層臺
摩天嶺勢龍驤去
交趾人從鳥道來
蕃族金符猶什襲
漢廷銅柱久荒摧
西風笳鼓連雲起
十萬山中獵騎回

流杯橋

傳惟宗

陵谷興衰幾變遷
水流山峙尚依然
孟流曲澗迷秋草
橋跨橫溪鎖暮烟
往事空傳唐武德
游踪尚憶宋坡仙
令人俯仰尋真迹
誰復題詩繼昔賢

龍灣

石窟藏靈自古聞碧波無底浸江濱水枯忽漲二三尺
歲熟加收四五分神物蜿蜒盤地軸靈光燄焰動天文
太平有象今全見白日晴噓五色雲

廣西學舍閒書

呂敏

龜如伏息鶴如形神氣秋來倍覺清身在桂花香裏坐
步從榕樹影中行廣西有此真風致天下無方不養成
自笑今年過七十長瓶新酒短書檠

和解學士遊七星嵒

鄭珞

碧空遙訪日華君
礪道泉香下鹿羣
神女祠前嵐作雨
伏波崑畔水連雲
石門冰雪清詩骨
仙洞烟霞隔世紛
金馬玉堂歸夢杳
野猿山鳥不堪聞

登柳州城和柳子厚

獨上城樓望八荒
神遊霄漢入微茫
輕雲帶雨來高閣
落日隨鳥下女牆
萬里故人憐遠謫
千家砧杵斷愁腸
長沙未有歸期計
老向天涯各異方

過梧州

黃福

不到蒼梧二十年今朝再過倍淒然江邊山色渾如昔
城外人家不似前橄欖解嘗香濺齒檳榔乾嚼澀流涎
南交事監歸來日蛇酒多沽不校錢

過蒼梧

聖恩浩浩諭丁寧使節煌煌益勵精八桂客居秋十日
九疑舟泊月三更炎蒸地許調和節些窳人宜役使輕
願我師平交土早喜看遐邇樂深耕

潯州舟上

晝夜搖搖客棹輕
潯江西上望南寧
瘴無蹤迹防秋燠
月有光輝喜暮晴
茅屋人家隨地住
糧船燈火隔溪明
炎方時有先歸客
特寫新吟寄直清

題勾漏洞

胡濩

巖窩深窈路間關
百怪千奇秉燭看
鍾乳石英成象異
玉田丹井護苔班
脉連地府三冬暖
竅引天風六月寒
觸處總非凡世界
只宜仙子煉還丹

濯纓晚眺

彭清

石碎亭空迹已陳，居民猶指繡江濱。
清漪徹底堪澆藥，好鳥隔溪如喚人。
斜月長流金潋灩，南山崛起石嶙峋。
閒花蔓草精神少，時有漁人來問津。

白馬祠

王清

狀元遺廟枕江頭，白馬無聲水自流。
一代文章超翰苑，千年香火祀炎州。
玄猿嘯罷青山暮，白馬飛來碧樹秋。
幾度漁翁沙上泊，斷歌明月使人愁。

送陸懷集

許仁

一脉清溪遶縣斜溪頭槐樹是官衙黃紬被裏春無限
綠綺堂前晝不譁問俗或留山館飯行春時到野人家
不知雙鳥朝天日種得河陽幾樹花

寒山應雨

文 欽

名山山裏四時冬年少曾游到絕峰燕尾水分青草堰
羊腸路遶紫薇宮不愁天旱興妖魃自有神靈起臥龍
昨日郡侯祈禱處滿天甘雨濟三農

送解學士赴廣西參議

羅養蒙

久掌絲綸在石渠又分旌節鎮邊隅雄藩佐政資籌策
便道還家重里閭銅柱雲開通驛路鍾山日近望皇都
賜環應有天書至注目江頭候使車

送解學士之廣西參議

王恭

金鑾召對暫辭朝供帳都門折柳條芸閣幾人同視草
桂林千里獨乘輶蒼梧雲盡蠻天遠黃葉風清瘴雨消
想是丹心常戀闕晴樓高起見京遥

送全州知州

楊士奇

新年考績天官日第一皆傳太守名鳴珮又辭雙鳳闕
掛帆遙轉九江城天涯草色綿綿綠湖上楊花片片輕
還到清湘三月暮郭南騎馬勸春耕

送向武全吏目

一命微官萬里程清時行送魯諸生天連粵徼孤城險
家渡湘江數口輕楊柳飛花霑去棹桺榔雜樹隱離情
才高莫歎淹遐僻政滿還來謁聖明

送沙同知赴祿州

楊榮

大江南去路迢迢王事驅馳豈憚勞幾處雕題通象郡
千年銅柱過龍標山城雨歇蠻烟淨海市風清蜃氣消
莫道荒郊叢竹外思明經古戴皇朝

送按察使章聰之廣西

象笏朱衣獬豸冠除書榮捧別金鑾九秋鵬鷃凌空舉
五嶺風霜動地寒才大已為明主重政行當得遠人歡
還持歲晚松筠操留取高名異日看

和柳子厚登柳州城樓

嚴貞

獨上層樓望海天，異鄉愁思正茫然。
溪雲暝帶桃榔雨，野日晴銷薜荔烟。
百粵湖山通絕徼，半江菰米熟秋田。
舊游別後多零落，目斷滄波祇自憐。

遊勾漏洞

孫詢

肩輿曉度玉門關，又到勾仙洞府間。
藤蔓已荒今日路，丹霞猶照舊時山。
神蛟作雨潭雲黑，仙客題詩碧蘚斑。
最是坐來寒氣重，此身渾不在塵寰。

風洞

李禎

桂林繞郡皆奇勝偉觀登臨此更多五管靈山連粵寓
百蠻溪水滙牂牁朝廷愧乏涓埃報歲月真成浪漫過
只把新詩當遺愛他年留與野人歌

平樂府

龍瑄

淒淒烟雨嶺南天翠壁青林斷復連山縣總荒兵火後
土民還住賊巢邊車筒晝夜翻江水刀具春秋種石田
幸際時和太平日不須雞骨預占年

送韓僉事赴廣西

周忱

畫省為郎屬老成新持玉斧下瑤京觀風好遂平生志
題柱多傳舊日名路入三湘秋水迥霜經五嶺瘴烟清
寸心不被炎蒸惱長對冰壺夜月明

白雲山

張純

白雲山上白雲遮原是清神道士家甲乙艾荒微有字
丙丁薑老更無華藥泉細掬晨蒸朮丹石空明夜走砂
仙客不知何處去數聲啼鳥隔烟霞

潯州晚眺

章啟

山遶孤城水遶川東吳風景尚依然霜前黃葉餘殘照
角外更樓起暮烟箭鼓暫忘南徼路綺羅還憶鑑湖船
衡陽過後無來雁目斷音書若箇邊

送劉翰林子欽往柳州

熊概

莫嗟華髮半成絲曾逐羣仙集鳳池才調總知傾後輩
科名還見重當時子瞻南去應能賦禹錫西來最善詩
昨日先君潛德卷新題讀罷不勝悲

送布政劉俊還廣西

薇垣官滿正趨朝
南北寧辭道路遥
奏政九天霑雨露
鳴珂十月下雲霄
青楓葉落秋聲早
黃菊花開暑氣消
重到桂林宣聖化
遠人安堵樂漁樵

桂林諸葛亭

陳輝

城西峰頂最高亭
望極天南入紫冥
日出山河分海島
風清笳鼓靜邊庭
躋攀况復逢時令
賦詠從教豁性靈
會晤相親即為樂
不須分手歎晨星

韶音洞

夏時

羣峰玉立一江灣
龍馭何年幸此間
千載丹青遺廟貌
兩堦千羽格苗蠻
崖碑字落烟霞外
韶樂聲沉石洞闕
感慨無由看光景
賡歌聊寄白雲還

樂川

唐復

百折潺湲遶郡流
波浮鴨綠影涵秋
沙痕細漾春風軟
藍色微拖宿雨收
桂嶺烟嵐行客夢
剡溪風雪故人舟
臨流幾欲乘清興
何似星槎泛斗牛

奉和斛學士遊七星嵒韻

釋大同

地古香清藥草生
聯鑣遊駐往來輕
雲開桂嶺青連郭
水入灘江綠遶城
田叟雨餘畊乍歇
洞仙春曉夢方醒
虛壇飄下清平曲
一派簫韶雜鳳聲

獨秀峒詩

有序

靖江王佐敬

洪惟太祖高皇帝祖宗流蔭子孫彌衍列分天下各
藩之國我祖來斯桂林立靖江王位迄今七十餘年
矣府在獨秀山前其地甲於廣西一峰塹插霄漢四
時林木榮輝下湧流泉潭如新月巍然上下絕秀麗

乎龍飛鳳舞之勝今皇帝一統丁卯十二年秋孟聞
知雲水僧常澍自鄂來粵人所稱善一日召於承運
門下以瑜珈焰口施食利濟幽冥澍舌翻秘呪滔滔
如江潮之流討論儒書翕翕若劈竹之勢因延為世
子師授乎大教以為進道之端原夫獨秀崑者宋顏
公讀書之處石勒高僧師澄詩并無盡老人日月五
福海之數額緬乎今日符合前代就命澍游崑視哲
名於石上澍喟然歎曰斯地今日之到三生之緣也

粵與澍暢望各崑感予情性遂賡師澄原步並鐫於
崑左用藉不磨

碧峰禹迹幾經今上接雲霄共所欽絕頂兩輪烏兔耀
幽禽齊奏管弦音無時樹木冬森翠最喜林巒夏有陰
每展黃庭崑畔玩默知天地化工深

和韻

釋常澍

誰削芙蓉鎮古今高摩碧落使人欽竇邊時鳥鳴簧調
崑外風筠憂珮音楓映曉霞山裏錦梅開冬雪地無陰

想應龍在蒼松裏背湧清泉歲月深

送張僉憲木端還任廣西木端舊受經於予

劉定之

京國游從二十年喜看鵬鶚上秋天桂林執法推風采
楓陛攄誠仰日躔戴豸辭朝方解袂乘驄遵路且揚鞭
九疑南去邦侯迓梅雪飛花點綉鞍

太平知府何公挽詩

聶大年

萬里專城牧遠夸他鄉捐館更堪悲馬遷作傳書循吏

何武居官有去思郭外褰帷行郡罷天涯旅櫬到家遲
顯揚幸有賢孫子看取瀧岡表墓時

送錢左參赴廣西

倪謙

丹鳳銜書下九天緋衣金帶沐恩偏西藩建節從今日
左掖含香已十年桂嶺曉瞻虞帝廟鯨波寒浸越王船
清時民俗超前古化雨遥看洗瘴烟

送祝教諭赴陽朔

桂林雖遠故鄉過講席談經趣自多齋舍陰連篁竹遥

泮池香汎藻芹波九疑古廟思虞舜百粵夸風變尉陀
遥想行數時雨遍淪淪闔境播絃歌

送朱文學赴蒼梧

儒官新拜出清朝振鐸蒼梧去路遥馬上風烟連百粵
嶺南文化格三苗雨餘禮殿藤花落日照蒼溟蜃氣消
欲弔重華何處是九疑迴首鬱峇崑

題伍公矩桂林別意冊後

張寧

五嶺行雲七澤風東將入海泛鴻濛生還却笑征南老

往事空驚塞上翁
萬里歸心孤磧雁
廿年春夢五更鐘
曲江院裏看花伴
物色于今盡不同

韶音洞

曾 鞏

何年遺廟石溪灣
萬壑千山揖讓間
那復咨詢朝岳牧
尚存聲教被夸夸
蠻韶音有洞青苔
合寢殿無人白晝闌
景仰聖皇流澤遠
從遊此地不知還

思恩靖遠峰

揭 稽

北眺奇峰翠接天
曾聞此處會羣仙
乘雲跨鶴人何在

仗劍平蠻事可傳
洞口流泉清漱玉
波心芳樹綠含烟
元戎去後干戈息
共樂雍熙大有年

追頌山總兵

山雲

王驥

捷音屢報九重聞
哀訃俄驚慘客魂
旅櫬已歸千里月
靈祠猶擁萬山雲
威留細柳將軍令
淚墮穹碑太史文
幸有亞中賢守相
禮嚴祀事贊元勲

滄江送別劉習之廣西憲幕

張和

秋波渺渺布帆輕
醉折蘋花贈遠行
萬里一官江上別

楚雲湘月客邊程
關門背嶺寒蕪綠
驛樹迎船瘴雨晴
此去蜚夷知有望
使君心似玉壺清

平南風景

黃潤玉

聞道平南古
鷺州燕來燕去自春秋
天時既正山無瘴
地脉鍾靈水順流
文到梁公登上第
學從程子紹前修
祇今可喜遺風在
禮樂弦歌樂未休

桂林諸葛亭

九日追陪宴此亭
悠然遐思入鴻冥
江山不盡心千里

風月無邊草一庭采菊且拚陶令醉生芻空酹武侯靈
相看白髮輸誰健共羨閩南老德星

都嶠山

袁衷

繡江東望聳羣峰玉削芙蓉紫翠重瑤草瓊芝春不老
石臺蘿徑畫長封崑前風煖樓玄鶴洞口雲深臥老龍
鳳去聲遥丹竈冷我來何處覓仙蹤

犀牛井

稜稜石竅附崑隈造化何年巧鑿開一脈靈湫消復長

半泓神液去還來
盈虛氣類旋潮信
呼吸聲如動地雷
坐倚雲根毛骨竦
恍疑飛步到蓬萊

追頌山總兵

侯臣

生為名將歿何神
閭外如公復幾人
有武有文唐李靖
不貪不殺宋曹彬
玄猿啼淚蒼蒼曉
碧草含愁寂寂春
千載炎荒遺廟在
邊民猶賴淨烽塵

惠泉

何漢宗

惠泉寒冽聽無聲
利澤加人滿郡城
源在山根流處遠

脉從石縫過來清呼童汲水瓶將得待客烹茶酒易醒
為報黃堂賢太守大開勿幕濟蒼生

靖遠峰

王常

魏峰萬仞遠連天有堡無鄰號八仙蠻寇來威兵尚戍
元戎靖遠世空傳凌霄有樹棲玄鶴絕頂無風鎖翠烟
安得邊方氛稔息令人登眺度餘年

游羅叢嵒

楊濂

嵒壑陰陰鎖薜蘿洞門偏有月明多先生寶殿搗金碧

影落寒潭瑩玉波
孤鶴夢回棲不定
羣鴉驚起去還過
行當攜手山亭上
坐對嬋娟問若何

送李行人時容奉使靖江王府 韓雍

奉使親藩閱兩秋
清才偉望許誰儔
斗南風俗勞勤問
嶺外山川足壯遊
萬里青天倚長劍
一輪明月載孤舟
芳年定志真難得
高步行看近冕旒

送陳序班友誠送安南使臣至廣回京 其人能琴

遠送邦臣下大荒
只携書卷與琴囊
回瞻北極歌商頌

坐對南薰操越裳萬里皇風清海宇中原人物見星鳳
不堪相會俄相別夢繞飛龍在廟堂

送方教授考廣西秋試事竣還韶

成化元年作

發解三山壓俊英甲科雖屈有香名久持教鐸賢才盛
累典文衡藻鑑明霜落灘江書舫下花迎湏水菊杯傾
儒官最樂休嗟歎遭遇行看荷寵榮

送同年朱僉憲驥之廣西

青年雅望冠中臺荷寵歸寧亦快哉親舍暫分遊子去

蠻邦久逐使君來林深丹桂行雙節野近蒼梧奠一杯
道路逢人莫長歎廟堂方棟棟梁才

送松江黃郎中琮廣西審刑竣事還京

持節平反遵聖謨遠人處處動懼呼波恬瘴海窮鱗起
風轉炎荒腐草蘇歸路總誇空惹惹過鄉莫待飽尊鱸
好思南顧憂民切早獻當年鄭俠圖

題控粵亭

成化二年冬宿重
兵蒼梧構亭而作

高亭徙倚望西東兩鎮平分一水通諸將雄兵歸節制

百蠻殘孽任牢籠陽回陰谷窮厓內人在光天化日中
翹首何堪倍惆悵思鄉懷國此心同

開府蒼梧構野亭旌麾駐此喜時寧全收百粵歸王化
遥制諸蕃歸帝庭霜氣飛來江月白瘴烟消盡海天青
丈夫有志堪與內豈獨燕然可勒名

成化二年春王師平南夷而釋其降七月班師既
斷藤峽偽降元兇侯鄭昂王牛兒如前誘黨復
叛偷攻潯江不利遁過潯江之南移檄撫招執

迷不從復偷劫北流容縣惡極罪大不可容迺於是歲十一月躬督諸將將兵犄角進勦甫三月已俘鄭昂至軍寘諸重典牛兒亦授首斬其黨四千九百有奇歸所掠士民子女二千七百人得梧高雷廉諸處地方復寧誠朝廷威德所致也師還駐蒼梧登控粵亭讀張方伯廷璽所作亭記見其紀此出師有舉網竭澤之言因竊歎古之賢將相奉辭伐罪未嘗妄殺人以要功竭澤豈忍言然是賊

也毒虐無極冥頑不悔與潮之鰐魚無異不盡戮
則吾民之患不已古人行事凡所以除患救
民豈得已哉因賦比體詩一章書之亭中明著
聖天子命將出師滅賊之本末傳示來世

放生池裏盡昏昏鰐尾重搖苦噬吞觸網竟歸堯佐手
投文虛負退之恩惡溪千里空流血澤國三軍厭食殮
還理任公舊釣釣相期收取北溟鯤

石粟子詩有序

石栗子出廣之濱海深山中郡誌載其殼堅肉實如
栗然廣之人止識其果未嘗識其枝葉全柯之奇也
鎮守太監陳公得之樵人轉致予清玩愛其奇異特
甚平生所未見因賦一詩仍歸之置之座隅俟公
會同覽云

異菓從來出海隅誰連枝葉置盤盂青鸞下拖累垂卵
翠葆中攢徑寸珠新摘檳榔形絕似舊嘗盧橘味全殊
時和萬物皆生瑞聊作歌詩頌有虞

籌邊亭為總督備倭都督董公世宏題

亭似西川節度樓元戎駐此思悠悠海天萬里勞多算
水國頻年省近憂還擬遐方重建節何愁壯歲不封侯
丈夫遭遇應圖報且莫逢人歎滯留

僉都御史吳公輿壁巡撫廣東甫一月朝廷以兩
廣事不歸一仍命予總督兩廣軍務兼理巡撫
輿壁得代回途次會別書此寓期望意

萍水相逢總宦遊我來君去兩悠悠喜君已釋千鈞負

老我重添萬斛愁八座定知虛席待百蠻行見望風收
江湖廊廟皆心事且放憂懷一勸酬

成化己丑丁先人憂守制甫半載十二月二十日
忽奉恩詔奪情起復進階右都御史總督兩廣
軍務兼理巡撫上章辭免陞秩乞留終制不蒙
俞允感而有作

苦塊餘生心已灰誰知恩命又來催不堪騎馬迎丹詔
安忍臨戎被墨纓孤子上章空有願聖皇注意莫能回

滿懷無限君親感圖報惟應罄謏才

總鎮陳太監宅東有池故名鰐魚而鰐魚已絕歲

庚寅冬漁人致嘉魚于公公弗忍烹育之池中

因作亭其上而已為名東吳韓子臨觀見物性

之適作詩手書于亭中

清暇臨池結草廬鰐魚已去育嘉魚分來丙穴真相似
投向濠梁樂自如南浦雲山增勝概杜陵水竹稱幽居
遐荒民物咸霑惠偉績應歸太史書

總兵官平江伯陳公志堅鎮守兩廣之明年蠻夸
咸服境土悉平廼於府第之中作軒三楹顏曰
雙秀以軒後梧山雙嶺聯秀當軒故以為名東
吳韓子往觀而悅公得山之趣公索詩因題如

左義見乎詞

雙峰秀拔倚軒居鬱鬱蔥蔥氣概殊並出雲陰作霖雨
列為屏障鎮坤隅一時光價同增重萬古丹青總不渝
幸喜和平遂清覽好輸忠蓋報唐虞

和控粵亭韻

唐 濬

蒼梧正界廣西東幕府亭開四望通
敵愾雄兵鷹脫臂
乞降殘寇鳥歸籠霞光半落青天外
野色全歸綠樹中
百粵干戈從此息
喜看文軌一朝同

籌邊樓

秦山竺

危樓竒觀壯南州
公退携琴日往游
山勢四圍排虎距
江樓一曲枕鰲頭
雲迷十里荒亭暮
風撼雙梧老樹秋
回首長安何處是
蒼茫極目使人愁

控粵亭

王祐

一亭突兀鎮梧山，氛祲潛銷氣概間。
玉帳弘開威令肅，虎牙森衛鼓鞀閒。
坐招降寇分符去，立待游兵報捷還。
駐節此中勞控制，不因風景漫躋攀。

和柳子厚韻

強順

明時俱罪竄，炎荒北望京華共渺茫。
驛路高低山帶郭，人家遠近樹連牆。
嶺南歲月摧霜鬢，海上風烟斷客腸。
遥問同袍舊知己，音書久不到蠻鄉。

和控粵亭韻

桂山

新構幽亭桂嶺東
瘴烟消盡路人通
從今百粵歸仁域
自古羣愚入智籠
旗閃風雲霄漢上
關嚴虎豹翠微中
九重不用勞西顧
玉帛梯航萬國同

榕樹陰中控粵亭
乾坤俯仰一清寧
共誇兩廣開天府
重見三苗格舜庭
江合潯灘春水綠
山消烟瘴晚峰青
無窮事業題難盡
更有行人口是銘

和控粵亭韻

馮維

新構華亭五嶺東
兩江舟楫往來通
王師已見間兵甲
酋首何須用鐵籠
四面山川圖畫裏
萬家烟火管絃中
平蠻功業誰能似
銅柱高標馬援同

梧山深處構華亭
掃盡妖氛百粵寧
耕鑿四民咸樂業
梯航萬國盡來庭
牕涵明月通宵白
簾捲春山入座青
一代功勛誰可及
清朝還勒太常銘

賀韓都憲

薛遠

文武能臣總六師
曾中奇策算無遺
蠻酋一掃根株拔

巢穴都平鬼魅悲殊俗盡還周禮樂遠人重覩漢官儀
華勛偉績昭當世且謾磨崖為立碑

運籌亭為韓都御史題

丘濬

五嶺中間數仞亭海雲山月總關情三千稷下諸姜客
十萬胸中小范兵談笑已看功業就指麾能使鬼神驚
先憂後樂平生志須仗忠貞荅聖明

題韓都憲所作運籌亭

陳濂

百粵平來屬指揮新亭高處爛生輝圍棋已許羊曇墅

聚米誰先馬援機水色山光回勝概風聲雲影帶餘威
石闌千外甘棠月願散清陰徧九畿

題韓都憲所作運籌亭

張瑄

一代勛名坐見收華亭高揭氣橫秋軍需不乏勞鞭算
邊務方殷費籌籌令肅雷霆魑魅泣筆驅風雨鬼神愁
奇謀偉績今誰似漢有留侯蜀武侯

聞從者談土俗寫懷東王憲僉 劉大夏

邕州壤地接交南淒楚夸風不忍談男女歌謠成邕禮

官民爾汝集茅庵瘴來山谷雲應黑毒入溪河水盡藍
漂泊獨憐吳楚客故園回首意何堪

田州發船顧夸民有感

滿城良賤立沙頭相對難言獨上舟天下有生皆我類
眼前無計為渠謀狄青何日能平賊李廣逢時定拜侯
回首蓬窓倍惆悵泪痕非為別情留

南寧遇冬至雨中有感呈同事二王公

風雨淒淒客思涼况逢冬至在殊方愁看瘴嶺遮天短

獨擁寒衾覺夜長
地雜夸情休問俗
庭無官事懶升堂
醇醪幸接周公瑾
百感傷懷總欲忘

聞邕人談先翁舊事有感

先人於此衛蒼生
不肖那知接踵行
耆老尚能談舊事
箕裘寧敢墜清名
堪嗟踪迹百年易
莫訝才華兩世榮
幾度繡衣坊下過
仰看遺墨不勝情

烏江濯清

平南

張廷綸

烏江一帶抱城西
澄徹應同渭水齊
修禊不須尋往事

濯纓今喜入新題
魚潛潭底形堪辨
鳥度沙間影不迷
幾向石磯尋釣叟
此身彷彿子陵谿

魚洲瑞雁

大江襟帶縣城南
洲似游魚出碧潭
石壘魚鱗千頃白
流分燕尾兩池藍
鷗尋野老常千古
雁兆科名或二三
瑞應年年應不爽
等閒莫道是虛談

淶水靈源

一泓混混出源泉
神物中潛宣浪傳
禦旱信能祛酷暑

為霖端可兆豐年波隨晝夜歸滄海影落星辰浸碧天
欲識箇中風景好投簪歸覓釣魚船

將灘古渡

怪石嵯峨古將灘行人欲濟此應難舟從上下分津渡
路別東西遠急湍夜籟有聲徒激烈春濤無警自平安
新題收入輿圖裏四海相傳作大觀

龍隱巖

婁良

江澄風靜雨初晞畫檝凌空入翠微古洞雲門龍去久

疎林葉脫鳥來稀
苔痕滿徑迷仙迹
嵐氣生寒透客衣
光景無邊收不盡
落霞孤鷺又齊飛

讀柳子厚文集

印佐

河東巨族世無倫
早有才名動縉紳
歷職累登臺省上
謫官選出庫江濱
恢弘事業超前輩
古怪文章駭後人
生作柳州民
父母死為廟食柳州神

粵西詩載卷十五